

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12072/24
Sarajevo, 08.7.2024. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača – Izvođenje radova na uređenju prostora ispod kružnog toka u MZ „Alipašin Most I”

I

Okvirni sporazum za javnu nabavku – Izvođenje radova na uređenju prostora ispod kružnog toka u MZ „Alipašin Most I” (broj obavještenja 422-1-3-69-3-99/24, objavljeno na Portalu javnih nabavki BiH dana 26.4.2024.godine i u “Službenom glasniku BiH”– Oglasnik javne nabavke broj 38/24) dodjeljuje se grupi ponuđača „Flex invest“ d.o.o. Sarajevo i „Bosman“ d.o.o. Sarajevo sa ponudom u iznosu od 436.400,00 KM bez PDV-a, odnosno 510.588,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se grupa ponuđača iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnosi na član 45. stav (2) tačka od a) do d) Zakona i dokumentaciju traženu tačkom 3.3.2 koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-12072/24 od 23.4.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na uređenju prostora ispod kružnog toka u MZ „Alipašin Most I”, broj obavještenja 422-1-3-69-3-99/24, objavljeno na Portalu javnih nabavki BiH dana 26.4.2024.godine i u “Službenom glasniku BiH”– Oglasnik javne nabavke broj 38/24. Procijenjena vrijednost za predmetnu nabavku iznosi 478.632,48 KM bez PDV-a, odnosno 560.000,00 KM sa PDV-om.

Zapisnikom o otvaranju ponuda od 20.5.2024. godine Komisija je konstatovala da su u predviđenom roku, u propisno upakovanim kovertama pristigle četiri (4) ponude ponuđača:

1. „Mibral” d.o.o. Sarajevo, 2. grupa ponuđača „Flex invest” d.o.o. Sarajevo i “Bosman” d.o.o. Sarajevo, 3. grupa ponuđača „Babel” d.o.o. Sarajevo i „Hidrom” d.o.o. Sarajevo i 4. „Dinalsa” d.o.o. Sarajevo.

Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da grupa ponuđača „Babel“ d.o.o. Sarajevo i „Hidrom“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. a) da je ponuđač u protekle tri kalendarske godine uspješno izvršio najmanje jedan ugovor koji za predmet ugovora imaju poslove izgradnje sportskih i dječijih igrališta vrijednosti najmanje 280.000,00 KM sa PDV-om;

Tačkom 3.4.2. (a) propisano je da se navedeno dokazuje na sljedeći način: a) *Lista izvršenih ugovora ponuđača koji su u vezi predmetom nabavke, a koji su realizovani u posljednje tri godine sa vrijednostima, datumima i naručiocima radova kao dokaz da je ponuđač uspješno izvršio najmanje jedan ugovor koji za predmet ugovora imaju poslove izgradnje sportskih i dječijih igrališta vrijednosti najmanje 280.000,00 KM sa PDV-om. Uz spisak izvršenih ugovora ponuđač je dužan dostaviti najmanje jednu potvrdu za ugovor koji za predmet ugovora imaju poslove izgradnje sportskih i dječijih igrališta vrijednosti najmanje 280.000,00 KM sa PDVom, koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija)*

Uvidom u dostavljenu ponudu grupe ponuđača „Babel“ d.o.o. Sarajevo i „Hidrom“ d.o.o. Sarajevo utvrđeno je da je na stranici broj 52. ponude dostavljena Potvrda broj 48-1.6.1-05-24 od 16.5.2024. godine o uredno izvršenom ugovoru broj 0011/2024 od 08.5.2024. godine izdata od strane pravnog lica „Mibral“ d.o.o. Sarajevo, a koja se odnosi na uredno izvršenje ugovora za nabavku i ugradnju opreme za dječija igrališta i gumene podloge na dječijim igralištima na području Općine Novi Grad Sarajevo.

Iz dostavljene potvrde je vidljivo da je riječ o radovima čiji investitor nije bio Mibral d.o.o. Sarajevo, nego Općina Novi Grad Sarajevo. „Mibral“ d.o.o. Sarajevo je bio izvođač sa kojim je Općina Novi Grad Sarajevo imala zaključen ugovor po provedenoj proceduri javne nabavke, te ukoliko je „Babel“ d.o.o. Sarajevo bio angažovan kao podizvođač u skladu sa članom 73. Zakona o javnim nabavkama BiH, samo investitor odnosno Općina može biti izdavalac potvrde o urednom izvršenju obaveza iz ugovora. Ocjenu kvaliteta izvršenih radova ne vrši sam izvođač, u ovom slučaju „Mibral“ d.o.o. Sarajevo, nego investitor putem nadzornog organa i drugih propisima predviđenih mehanizama. Potvrde o uspješnoj realizaciji ugovora podizvođača mora da izda investitor, odnosno naručilac posla kako je to predviđeno tenderskom dokumentacijom, a ne da potvrde međusobno izdaju subjekti koji su bili angažovani na izvođenju radova.

Iz naprijed navedenog razloga utvrđeno je da grupa ponuđača „Babel“ d.o.o. Sarajevo i „Hidrom“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je konstatovala da ostale tri dostavljene ponude ispunjavaju kvalifikacione uslove tražene u tenderskoj dokumentaciji, te da su ponude računski ispravne.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 18.6.2024. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-69/24, Komisija je utvrdila da je bilo podnošenja ponuda, odnosno da konačna rang lista izgleda kako slijedi:

1. grupa ponuđača „Flex invest“ d.o.o. Sarajevo i „Bosman“ d.o.o. Sarajevo sa ponuđenom cijenom za okvirni sporazum u iznosu od 436.400,00 KM bez PDV-a.
2. „Mibral“ d.o.o. Sarajevo sa ponuđenom cijenom za okvirni sporazum u iznosu od 436.500,00 KM bez PDV-a,

3. „Dinalsa” d.o.o. Sarajevo sa ponuđenom cijenom za okvirni sporazum u iznosu od 478.572,99 KM bez PDV-a.

U skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za ugovor grupe ponuđača „Flex invest“ d.o.o. Sarajevo i „Bosman“ d.o.o. Sarajevo iznosi 436.400,00 KM bez PDV-a, odnosno 510.588,00 KM sa PDV-om. Ponuđač je putem e-maila dana 04.7.2024. godine dostavio saglasnost na obračun nakon e-aukcije sa ovjerenom svakom stranicom predmjera radova, te je Komisija dala preporuku za zaključenje okvirnog sporazuma sa grupom ponuđača „Flex invest“ d.o.o. Sarajevo i „Bosman“ d.o.o. Sarajevo

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  Anisa Bešagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

